



# NEWSLETTER BR. 55

SEPTEMBAR 2019

## FIPA AKTIVNOSTI ≡ SADRŽAJ

- » MOGUĆE PRESELJENJE JAPANSKIH KOMPANIJA U BIH
- » PREZENTACIJE FIPA-E NA POSLOVNOM FORUMU I SUSRETIMA PRIVREDNIKA BIH I SAUDIJSKE ARABIJE
- » NOVOIMENOVANI AMBASADOR BIH U ŠPANJI POSJETIO FIPA-U
- » PREDSTAVNICI AGENCIJE ANADOLIJA U FIPA-I
- » NJEMAČKE INVESTICIJE U HERCEGOVINI U ENERGETIKU I POLJOPRIVREDU
- » PREDSTAVNIK FIPA-E U JAPANU PREDSTAVIO JE BIH KROZ STRUČNU KNJIGU NAPISANU NA JAPANSKOM JEZIKU
- » ARABI ZAINTERESIRANI ZA INVESTIRANJE U PROIZVODNJU STOČNE HRANE U BIH
- » POSJETA KOMPANIJI PRIMUS BALKAN D.O.O. U OKVIRU PROGRAMA POSTINVESTICIONE PODRŠKE
- » POSJETA KOMPANIJI ARGETA D.O.O.
- » NOVOIMENOVANI AMBASADOR BIH U HRVATSKOJ POSJETIO FIPA-U

## FIPA POSLOVNE VIJESTI ≡

- » KOMPANIJA YAVUZ DO SADA U BIH INVESTIRALA BLIZU 30 MILIONA KM
- » AVIOKOMPANIJA FLYBOSNIA POVEZALA SARAJEVO I LONDON



IZDVOJENO

## ≡ FIPA ĆE UČESTVOVATI PO DRUGI PUT NA SAJMU GO- ING GLOBAL LIVE 2019 U LONDONU

Going Global Live je vodeća europska konferencija i sajam promocije potencijala za strane investitore, koji istražuju mogućnosti za ulaganje u inostranstvu, te koji se žele širiti na međunarodnom nivou.

Ovogodišnji sajam se održava u periodu od 27 – 28.11.2019.godine u Excel London.

FIPA će predstaviti Bosnu i Hercegovinu i njene investicijske potencijale i projekte na štandu broj 264.

Više informacija o događaju <http://www.goinggloballive.co.uk/>



## INVESTICIJSKI I PRIVREDNI SKUP BIH-BURSA, 24.OKTOBAR 2019, BURSA



Na skupu "Bosnia and Herzegovina Investment Day" koji organizira Agencija za unapređenje stranih investicija u BiH (FIPA), Fondacija BIGMEV, Privredno-industrijska komora Burse i Generalni konzulat Bosne i Hercegovine u Istanbulu u suradnji s privrednim komorama u BiH, očekuje se veliki broj kompanija iz Burse kojima će biti predstavljene mogućnosti ulaganja u Bosnu i Hercegovinu.

Na događaju će se u plenarnom dijelu predstaviti atraktivni privredni sektori, poslovni ambijent i mogućnosti ulaganja u BiH za više od stotinu turskih kompanija. Poseban fokus će biti stavljen na sektor metalo-prerade i proizvodnje auto-dijelova, turistički sektor, tekstilni sektor, te poljoprivredu i proizvodnju hrane.

Cilj događaja jeste podsticanje povećanja investicija, učvršćivanje već postojeće suradnje između dvije države, kao i proširenje postojeće mreže kontakata i stvaranje novih, odnosno jačanje postojeće suradnje između bh. i turskih privrednika.

Bursa je danas četvrta po ekonomskoj razvijenosti u Turskoj, sa BDP-om za 4% većim od prosjeka zemlje. Poslije Istanbula, Bursa je najveći turski izvoznik. U njoj je više od 13 industrijskih zona u kojima posluje više od 60 000 kompanija. Četiri glavne industrije su auto i tekstilna industrija, te prehrambena i industrija proizvodnje mašina. Svaki četvrti automobil u Turskoj je proizveden u Bursi. Više od 5.500 proizvođača svih vrsta tekstila posluje u Bursi. Privredno-industrijska komora Burse okuplja više 35.000 članova.

Nakon plenarnog dijela u kojem će se govoriti o mogućnostima investiranja i trgovinske suradnje sa BiH, predviđeno je održavanje B2B sastanaka kompanija dviju zemalja.



# FIPA AKTIVNOSTI ≡

## ≡ MOGUĆE PRESELJENJE JAPANSKIH KOMPANIJA U BIH

Direktor Agencije za unapređenje stranih investicija BiH (FIPA) Gordan Milinić razgovarao je danas u Sarajevu s predstavnikom Agencije u Tokiju Shigehikom Nishihamom o novim koracima na unapređenju investicija Japana u BiH, te afirmaciji BiH kao destinaciji za strana ulaganja.

G. Nishihama je obavijestio g. Milinića o naporima koje ulaže s ciljem promocije BiH japanskim privrednicima radi ulaganja, svom doprinosu na izvozu bh. vina, te promociji bh. turizma.

Smatra da bi nekoliko japanskih kompanija koje trenutno posluju u Češkoj, Slovačkoj, Poljskoj i Mađarskoj moglo preseliti pogone u Bosnu i Hercegovinu, pri tome ističući da je japanska kompanija preciznih strojeva pod nazivom TSUBAKI-NAKASHIMA koja je poslovala u centralnoj Europi, u 2017. godini preuzela kompaniju TN BOSNIA DOO KONJIC. Ovaj primjer bi mogao poslužiti drugim investitorima da investiraju u BiH.

G. Nishihama također smatra da bi se još nekoliko proizvoda iz BiH moglo naći na japanaskom tržištu, među kojima je i med.



## ≡ PREZENTACIJE FIPA-E NA POSLOVNOM FORUMU I SUSRETIMA PRIVREDNIKA BIH I SAUDIJSKE ARABIJE

Predstavnici FIPA-e Nina Pobrić i Dika Mustafić održale su prezentacije o investicijskim potencijalima i zakonskom okviru za strane investitore u BiH u okviru poslovnog foruma i susreta privrednika BiH i Saudijske Arabije, održanog 25. Septembra 2019 u Sarajevu.

Poslovni forum je predstavljao priliku za unapređenje investicijske i ekonomske suradnje između dvije države.

U decembru 2018. Saudijska Arabija se zadržala na trinaestoj poziciji na listi zemalja najznačajnijih investitora u BiH s ukupnim prilivom investicija od 281,7 miliona KM.

Predstavnici Poslovnog vijeća Bosna i Hercegovina-Kraljevina Saudijska Arabija su istaknuli da suradnja dvije zemlje može biti na znatno većem nivou od trenutnog. Iz tog razloga su predstavnici FIPA-e prezentirali osnovne prednosti BiH za strane investitore, atraktivne sektore, raspoložive projekte, usluge koje pruža Agencija, procedure za pokretanje poslovanja, podršku nakon investiranja i druge teme interesantne za saudijske privrednike.



## NOVOIMENOVANI AMBASADOR BIH U ŠPANIJI POSJETIO FIPA-U -ŠPANIJA DO SADA INVESTIRALA 28.4 MILIONA KM U BIH



Direktor Agencije za unapređenje stranih investicija BiH (FIPA) Gordan Milinić primio je novoimenovanog ambasadora BiH u Španiji Danku Savić s ciljem upoznavanja o trendovima stranih ulaganja u BiH, te trenutnoj ekonomskoj suradnji između dvije zemlje s fokusom na investicije Španije u BiH.

Zaključno sa decembrom 2018, Španija je, prema podacima Centralne banke BiH, u Bosnu i Hercegovinu investirala 28,4 miliona KM, što predstavlja učešće od 0,2% u ukupnim investicijama. Ovaj iznos investicija je uglavnom registriran u okviru trgovine.

Dosadašnja iskustva FIPA-e u suradnji s potencijalnim investitorima iz Španije govore da su oni uglavnom bili zainteresirani za autoindustriju gdje je uspostavljena suradnja s bh. kompanijama, te za proizvodnju solarne energije.



Konstatirano je da su španske investicije na dosta niskom nivou, te da bi trebalo pronaći način kako privući nove investitore iz ove zemlje, na čemu će zajednički raditi FIPA i ambasador.

Istaknuto je da će Vanjskotrgovinska komora BiH, u suradnji sa Španskim institutom za vanjsku trgovinu i investicije (ICEX) i uz podršku Ambasade Španske u Bosni i Hercegovini, održati Poslovni forum Bosna i Hercegovina – Španija o temi "Iskustva i budući izazovi u razvoju željezničkog transporta" 3. oktobra 2019. godine u Sarajevu.



## PREDSTAVNICI AGENCIJE ANADOLIJA U FIPA-I



DIREKTOR AGENCIJE ZA UNAPREĐENJE STRANIH INVESTICIJA BiH (FIPA) GORDAN MILINIĆ PRIMIO JE DELEGACIJU AGENCIJE ANADOLIJA U BiH NA ČELU S DIREKTOROM HAKANOM ČELIKOM KAKO BI RAZGOVARALI O ZAJEDNIČKOJ SURADNJI NA PROMOCIJI BOSNE I HERCEGOVINE I NJENIH PRIVREDNIH MOGUĆNOSTI NA STRANIM TRŽIŠTIMA, TE USLUGA KOJE FIPA PRUŽA STRANIM INVESTITORIMA.

AGENCIJA ANADOLIJA NA BHS JEZICIMA OSNOVANA JE 2012. GODINE, KAO REGIONALNA DIREKCIJA ZA BALKAN. U BiH IMAJU 30 ZAPOSLENIH. VIJESTI IZ REGIJE PRENOSI JAVNOSTI, MEDIJIMA I ORGANIZACIJAMA ŠIROM SVIJETA NA 13 STRANIH JEZIKA.

ANGAŽIRANI SU NA UNAPREĐENJU SURADNJE BiH, ZEMALJA REGIONA S TURSKOM I DRUGIM ZEMLJAMA U SVIJETU, TE ŽELE DATI SVOJ DOPRINOS U PRIVLAČENJU NOVIH INVESTICIJA KAKO IZ TURSKE TAKO I IZ DRUGIH ZEMALJA.

DIREKTOR MILINIĆ JE UPOZNAO GOSTE S NADLEŽNOSTIMA I RADOM AGENCIJE, PODRŠKI KOJU PRUŽA STRANIM INVESTITORIMA, TE TRENDU RASTA ULAGANJA U POSLJEDNJE DVIJE GODINE U NAŠOJ ZEMLJI.

ISTAKNUTO JE DA SE TURSKA NALAZI NA 11. POZICIJI NA LJESTVICI STRANIH INVESTITORA U BiH S ULOŽENIH 412 MILIONA KM DO SADA. NAJZNAČAJNIJE TURSKE INVESTICIJE SU : TURKISH ZIRAAT BANK, SISECAM SODA LUKAVAC, TE NATRON HAYAT DOO MAGLAJ.

Predstavljani su i najznačajniji privredni sektori BiH koji bi mogli privući strane investitore, te pravni okvir za strana ulaganja, prednosti i olakšice za ulaganje u BiH.

Gosti su informirani i o medijskoj kampanji „Invest in BiH“ koju je FIPA pokrenula 2016. godine s ciljem informiranja strane poslovne zajednice o mogućnostima ulaganja u BiH.

Agencija Anadolu će dati svoj doprinos na ovom projektu u smislu besplatne objave informacija o BiH u cilju njene promocije.



# INVEST IN Bosnia and Herzegovina

## ENJOY BUSINESS

- Available natural resources and beauties
- Long tradition in different industry branches
- Industrial zones, attractive sites and available investment projects
- Favorable legal environment
- Low tax rates - 10% corporate income tax
- Highly educated and price competitive labor force, low operating costs
- Free and Preferential Trade Agreements

## MAKING IT EASY FOR YOU

FIPA provides the potential and current investor an array of professional services through all phases of the investment cycle!  
We would like to invite you to contact our expert staff committed to assisting you and your business interests at the most efficient way.



## NJEMAČKE INVESTICIJE U HERCEGOVINI U ENERGETIKU I POLJOPRIVREDU



FIPA u posjeti lokacijama budućeg vjetroparka Grebak kod Nevesinja i plantaže organske proizvodnje ljekobilja i maslina u Gabeli

Direktor Agencije za unapređenje stranih investicija u BiH Gordan Milinić i predstavnik Agencije za regiju Hercegovine Amir Kazić posjetili su sjedište kompanije Centra za obnovljive izvore energije Impro-Impex u Mostaru, i lokacije na kojima se u partnerstvu s investitorom iz Njemačke implementiraju projekti vjetroelektrane Grebak (u blizini Nevesinja) i organske poljoprivredne proizvodnje (Gabela kod Čapljine).







Izvršni direktor vjetroelektrane Grebak Miralem Čampara i stručni suradnik Centra za obnovljive izvore energije Impro Impex Ramiz Zaimović su prezentirali dosadašnje faze u realizaciji spomenutih projekata.

Istraživanje potencijala vjetra na lokaciji Grebak započelo je prije 10 godina, nakon što su FIPA i Impro Impex - Centar za obnovljive izvore energije iz Mostara, prezentirali rukovodstvu Općine Nevesinje potencijale i benefite vjetroenergije na lokacijama Grebka i Morina, a tadašnji načelnik Nevesinja Brano Miković odobrio postavljanje mjernih stubova.

Vlada Republike Srpske je u aprilu ove godine sa firmom VE Grebak d.o.o. potpisala Ugovor o koncesiji za izgradnju vjetroelektrane Grebak snage od oko 50 MW i investicione vrijednosti od cca. 130 miliona KM (oko 65 miliona €). Planirano je instaliranje do 15 vjetroturbina sa godišnjom proizvodnjom od oko 130 GWh električne energije. Planiran je mogući početak izgradnje za kraj 2020. (zašto je potrebna puna podrška projektu od strane nadležnih institucija), a očekivani završetak za kraj 2021 godine. Puštanje u pogon, probni rad i garantna ispitivanja predviđena su do sredine 2022 godine.



Prema odluci vlade Republike Srpske naknada za koncesiju iznosi 0,0055 KM / kWh proizvedene električne energije, a Općini Nevesinje bi mogao godišnje pripadati iznos i do 800.000 KM koncesione naknade.

Proglašavanje vjetroelektrane projektom od javnog interesa bi trebalo ubrzati rješavanje imovinsko pravnih odnosa za potrebe projekta.

U projektu poljoprivredne proizvodnje, koji se realizira na području Gabele kod Čapljine fascinirajuće je čuti i vidjeti kako se 140 ha hercegovačke goleti pretvara u plodnu podlogu za sadnju organskog bilja i drugih mediteranskih kultura kao što su masline, šipak, smokve i drugo, uz poštovanje najstrožijih standarda za organskom proizvodnjom kvaliteta DEMETER.

U ovaj zahtjevni projekt je do sada uloženo oko 5 miliona eura, a planirana ukupna investicija je 8 miliona eura.

Direktor Milinić je izrazio veliko zadovoljstvo zbog ekoloških projekata koji će doprinijeti proizvodnji čiste energije i organskih poljoprivrednih proizvoda, te obećao svaku vrstu podrške i pomoći u njihovoj implementaciji. o zajedničkoj suradnji na promociji Bosne i Hercegovine i njenih privrednih mogućnosti na stranim tržištima, te usluga koje FIPA pruža stranim investitorima.




Agencija Anadolija na bhs jezicima osnovana je 2012. godine, kao regionalna direkcija za Balkan. U BiH imaju 30 zaposlenih. Vijesti iz regije prenose javnosti, medijima i organizacijama širom svijeta na 13 stranih jezika.

Angažirani su na unapređenju suradnje BiH, zemalja regiona s Turskom i drugim zemljama u svijetu, te žele dati svoj doprinos u privlačenju novih investicija kako iz Turske tako i iz drugih zemalja.

Direktor Milinić je upoznao goste s nadležnostima i radom Agencije, podršci koju pruža stranim investitorima, te trendu rasta ulaganja u posljednje dvije godine u našoj zemlji.

Istaknuto je da se Turska nalazi na 11. poziciji na ljestvici stranih investitora u BiH s uloženi 412 miliona KM do sada. Najznačajnije Turske investicije su : Turkish Ziraat Bank, Sisecam Soda Lukavac, te Natron Hayat doo Maglaj.





## PREDSTAVNIK FIPA-E U JAPANU PREDSTAVIO JE BIH KROZ STRUČNU KNJIGU NAPISANU NA JAPANSKOM JEZIKU



Predstavnik FIPA-e u Japanu Shigehiko Nishihama učestvovao je u kreiranju sadržaja stručne knjige napisane o Bosni i Hercegovini pod zajedničkim autorstvom s drugim japanskim stručnjacima.

Knjiga sadrži informacije o historiji, geografiji, kulturi, politici, ekonomiji, međunarodnim odnosima, svakodnevnom životu u BiH, odnosu i suradnji s Japanom.

To je prvi put da je jedna takva knjiga o Bosni i Hercegovini napisana i objavljena u Japanu u okviru izdavačke kuće AKASHI-SHOTEN iz Tokija. Više od 20 stručnjaka pisalo je pod zajedničkim autorstvom. Gotovo svi su profesori s univerziteta, vladini službenici i diplomate.

Ova knjiga napisana je pod vodstvom dr. Nobuhira Shibe, poznatog profesora za područje bivše Jugoslavije, uključujući između ostalih, i bivšeg ambasadora u BiH Hideoa Yamazakija i diplomatu Ambasade Japana, g. Atsushija Saitoja.

U Japanu postoje profesori i specijalisti za bivšu Jugoslaviju, ali vrlo je malo onih koji se bave Bosnom i Hercegovinom. Međutim, tu je predstavnik FIPA-e koji već 30 godina prati dešavanja u BiH, te je ujedno i vodeći posrednik između dvije zemlje na polju ekonomske i kulturne suradnje.

G. Nishihama piše da je Bosna i Hercegovina vrlo atraktivna za ulaganje, da raspolaže potencijalima u različitim oblastima koji bi mogli biti interesantni japanskim investitorima, pri tome ističući da je vrijeme za razmatranje preseljenja japanskih kompanija iz Češke, Slovačke, Poljske i Mađarske u Bosnu i Hercegovinu.

U knjizi se također govori o posjeti delegacije japanskih kompanija tokom 2016. godine BiH, koja je organizirana u suradnji s FIPA-om, te o izvozu bh. vina u Japan počev od marta 2014. godine, te prvim posjetama japanskih turista BiH, čiji broj se svake godine povećava i danas iznosi oko 6.000 turista godišnje. Također, autor ističe dolazak japanske kompanije preciznih strojeva pod nazivom TSUBAKI-NAKASHIMA koja je investirala u Bosnu i Hercegovinu u 2017. godini, te sada nosi naziv TN BOSNIA DOO KONJIC, što predstavlja veliki značaj za bh. privredu. Također, istaknuta je činjenica da japanske kompanije u Europskoj uniji koriste proizvode i dijelove strojeva koje kompanija BEKTO PRECISA proizvodi u Goraždu.

Knjiga je imala vrlo dobar odziv, te se već nalazi u mnogim javnim bibliotekama i knjižarama širom Japana.

Autori smatraju da će ona doprinijeti japanskim investicijama u BiH, kao i povećanju broja turista. G. Nishihama će i dalje nastaviti činiti napore kako bi privukao konkretne investicije iz Japana.





## ARAPI ZAINTERESIRANI ZA INVESTIRANJE U PROIZVODNJU STOČNE HRANE U BIH



UAE zauzimaju 15.poziciju na listi zemalja investitora u BiH

U organizaciji Ambasade BiH u UAE, na čelu s ambasadorom Šefikom Mujkanovićem, delegacija privrednika iz UAE i Omana predvođena Sheikom Mussallimom Bin Salemom Bin Hamamom, vlasnikom kompanije Bin Ham Group posjetila je Agenciju za unapređenje stranih investicija BiH (FIPA) kako bi se upoznala s uvjetima i prilikama za investiranje u našoj zemlji.

Kompanija Bin Ham Group osnovana je prije 43 godine, posluje u oblasti naftne industrije, energetike, elektronike i mehanike, građevinske industrije, kao i poljoprivrede i turizma, te zapošljava veliki broj radnika. S obzirom da planira širiti djelatnost u inostranstvu, BiH je odabrana kao jedna od mogućih destinacija za investiranje, posebno u oblast proizvodnje stočne hrane i turizma.

S obzirom da je riječ o prvoj posjeti ove delegacije našoj zemlji, direktor Gordan Milinić je zaželio privrednicima dobrodošlicu u BiH, zahvalio se na posjeti, ističući da su investicije iz UAE dobrodošle u BiH.

Kako bi stekli bolju sliku o poslovnim prilikama u BiH, održana je prezentacija o mogućnostima ulaganja s osvrtom na poslovni ambijent, prednosti ulaganja u BiH, atraktivnih sektora poput turizma, energetike, metalo-prerade, poljoprivred i proizvodnje hrane, tekstilne industrije i ICT sektora.

Govoreći o stranim ulaganjima u BiH, istaknuto je da UAE zauzimaju 15. mjesto na ljestvici stranih investitora, s uloženi 102 miliona eura, te da su najznačajniji investitori Zeraa Investment, Emirates doo i BBI.

Investitor su također informirani o koracima i uvjetima za pokretanje privredne djelatnosti i osnivanje kompanije, uvjetima privređivanja, statusu stranih investitora, itd.





## POSJETA KOMPANIJI PRIMUS BALKAN D.O.O. U OKVIRU PROGRAMA POSTINVESTICIONE PODRŠKE



U okviru Suradničke mreže, predstavnici Ministarstva Privrede Kantona Sarajevo, Općine Novi Grad i Agencije za promociju stranih investicija BiH (FIPA) posjetili su kompaniju Primus Balkan d.o.o. i razgovarali sa direktorom Hamzagić Seadom na temu unapređenja poslovnog okruženja i regulatorne reforme, te jačanje konkurentnosti u Kantonu Sarajevo.

Direktor Hamzagić upoznao je goste sa radom i planovima kompanije Primus Balkan d.o.o., te istakao da postoji mogućnost za dodatno unapređenje i razvoj, posebno ukoliko bi došlo do veće podrške predstavnika vlasti privrednim subjektima u rješavanju problema sa kojima se susreću.

Ministarstvo privrede Kantona Sarajevo aktivno participira u Suradničkoj mreži i podržava njene aktivnosti u cilju pružanja podrške privrednim subjektima na teritoriji Kantona u njihovom rastu i razvoju i u suradnji s općinskim, entitetskim i institucijama na nivou BiH, sistemskog pristupa otklanjanju prepreka sa kojima se investitori suočavaju u svom poslovanju, kako bi nastavili sa reinvestiranjem i poboljšali veze s lokalnom privredom.



## POSJETA KOMPANIJI ARGETA D.O.O.



U okviru Suradničke mreže, kao dijela programa postinvesticione podrške investitorima u BiH, predstavnici Ministarstva privrede Kantona Sarajevo, Općine Hadžići i Agencije za promociju stranih investitora BiH (FIPA), posjetili su kompaniju Argeta d.o.o. i razmijenili iskustva i znanja u vezi sa identifikacijom i bržim rješavanjem otvorenih pitanja investitora radi poticanja rasta i razvoja kompanija u BiH.

Samir Brodović, direktor Argete doo, Sarajevo, govorio je trenutnoj situaciji u vezi s poslovanjem ove kompanije, planovima za naredni period, posebno u pogledu proširenja proizvodnih kapaciteta, novih ulaganja i novih zapošljavanja, te istaknuo da postoji mogućnost za unapređenje i razvoj, posebno ukoliko bi došlo do veće podrške istaknutim privrednim subjektima u rješavanju njihovih otvorenih pitanja.

Posjete investitorima u BiH odvijaju se u okviru Suradničke mreže, mreže institucija na svim nivoima vlasti u BiH, koje su usmjerene na suradnju i rješavanje otvorenih pitanja investitora.





U okviru priprema za diplomatsku misiju, novoimenovani ambasador BiH u Hrvatskoj Aleksandar Vranješ posjetio je FIPA-u kako bi se upoznao s trenutnim aktivnostima na polju ekonomske suradnje između dvije zemlje s fokusom na ulaganja iz Hrvatske u BiH.

Direktor FIPA-e Gordan Milinić je informirao ambasadora o iznosu registriranih investicija iz Hrvatske, ističući da je u periodu od maja 1994. godine do decembra 2018. Republika Hrvatska, prema podacima Centralne banke BiH, investirala 2,293 miliona KM u Bosnu i Hercegovinu, te da je drugi najveći investitor s učešćem od 16 % u ukupnim investicijama registriranim do sada.

Osvrnuo se i na trend rasta stranih ulaganja u 2017 i 2018, ističući da je u prvom kvartalu ove godine registrirano 231.2 miliona KM stranih ulaganja, što odražava isti nivo iz prošle godine.

Dodao je da se od ambasadora očekuje da je nakon preuzimanja diplomatske dužnosti vrlo važno uspostaviti kontakte s privrednim i regionalnim komorama, te udruženjima poduzetnika i sektorskim udruženjima radi predstavljanja potencijala BiH, kao i uspostaviti kontakte i animirati nove potencijalne investitore.

U ukupnom iznosu ulaganja iz Hrvatske, investicije u oblast finansijske djelatnosti i djelatnosti osiguranja učestvuju sa 46.4%, u prerađivačkoj industriji 19.6%, a u oblasti trgovine 15.4%.

Najveći investitori su HT-Hrvatske telekomunikacije, Agrokor, Atlantic grupa, Belupo, Kraš, Dukat i drugi.

Dogovoreno je da ambasador pokuša organizirati u idućoj godini manifestaciju radi promocije bh. privrede.





## Aviokompanija FlyBosnia povezala Sarajevo i London

Aviokompanija FlyBosnia jučerašnjim je letom povezala Sarajevo i London, što predstavlja prvu zračnu vezu između ta dva grada nakon 12 godina.





KOMPANIJA YAVUZ DO SADA U BIH INVESTIRALA BLIZU 30 MILIONA KM



Nakon što je 2005. godine otvorila svoju prvu fabriku u Brčkom, danas, četrnaest godina kasnije kompanija Yavuz postala je jedna od najprepoznatljivijih kompanija kada su u pitanju PVC i ALU stolarija, profili, sobna i garažna vrata, te roletne i komarnici.

Kompanija Yavuz do sada je u BiH investirala blizu 30 miliona KM, a zastupljeni su u gotovo svakom dijelu BiH. Yavuz posjeduje tri fabrike u Brčkom, Srebreniku i Malom Zvorniku (Srbija) u kojima se dnevno proizvede više od 700 otvora. Kompanija posjeduje šesnaest poslovnih jedinica i to dvije u Brčkom, zatim po jednu u Srebreniku, Ljubačama, Živinicama, Kalesiji, Gračanici, Lukavcu, Maglaju, Mostaru, Vogošći, Ilidži, Visokom, Vitezu, Bihaću i Cazinu, te baucentar u Živinicama, nekoliko poslovnih jedinica u Srbiji i jednu u Njemačkoj. Kompanija Yavuz jedan je od najvećih proizvođača profila u BiH i Balkanu uopšte, a kapacitet s kojim raspolaže može proizvesti 50 tona profila dnevno. Trenutno je u kompaniji Yavuz zaposleno oko 400 zaposlenika, od čega je samo 130 njih uposlano u brčanskoj fabrici koja je izgrađena 2015. godine, a koja posjeduje 10.000 m<sup>2</sup> zatvorenih pogona, 6.000 kvadratnih metara otvorenog prostora i prostire se na ukupnoj površini od 44.000 m<sup>2</sup>. Tu su smješteni pogoni za proizvodnju sobnih vrata, proizvodnju PVC stolarije, proizvodnju IZO stakla, proizvodnju PVC panela i profila.

Yavuz svake godine povećava prodaju i izvoz za 30 posto, što predstavlja odlične poslovne rezultate. Također, pored tržišta BiH kompanija Yavuz je i veliki izvoznik kada je u njihov proizvodni asortiman u pitanju pa tako iz BiH izvoze u Srbiju, Hrvatsku, Crnu Goru, Rumuniju, Makedoniju, Njemačku, Tursku, Nigeriju, Alžir, Tajland i druge.



## MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



## USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



## DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Dubrovačka 6.  
71000 Sarajevo  
Tel: +387 22 278 080  
Fax: + 387 33 278 081  
e-mail : [fipa@fipa.gov.ba](mailto:fipa@fipa.gov.ba)  
[www.fipa.gov.ba](http://www.fipa.gov.ba)

Ured FIPA-e Mostar  
Kneza Višeslava, Office 54.  
88000 Mostar  
Tel/Fax: +387 36 558 815  
E-mail: [mostar@fipa.gov.ba](mailto:mostar@fipa.gov.ba)

Ured FIPA-e Banja Luka  
Jovana Surutke 13/III  
78000 Banja Luka  
Tel/Fax: + 387 51 226 180  
E-mail: [banjaluka@fipa.gov.ba](mailto:banjaluka@fipa.gov.ba)

[www.fipa.gov.ba](http://www.fipa.gov.ba)

Pratite nas na Facebook, YouTube, LinkedIn, Twitter



A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars.

# INVEST IN BOSNIA AND HERZEGOVINA YOUR NEW OPPORTUNITY

[WWW.FIPA.GOV.BA](http://WWW.FIPA.GOV.BA)